

忻州志卷二十二

名宦

唐

李丕與劉從諫善署昭義大將及劉稹阻命軍中疾其
才丕懼乞為游弈深入遂自歸武宗召見擢忻州刺
史太原楊弁亂遣人誘丕丕斬之以兵扼走集李德
裕曰度支戶部物積代州今丕塞其路賊破矣乃趣
丕討弁兵未至而弁已擒遷汾晉二州刺史大中初
拜振武節度使檢校刑部尚書卒

宋

忻州志

卷二十二 名宦

一

張齊賢兔句人進士雍熙時知忻州留心刑獄議論慷慨
慨有大略以致君自負休民積穀民咸賴之

元

張真沁水人皇慶年任至正間兵破州城真撫安堡寨
遺民賴以存活立石紀功德焉今存

明

劉清山東壽張人成化間以舉人任忻州知州居心平
恕莅政寬和修廟學驅遊民立倉庾屏盜賊善政釐
然嘗遇歲荒勸富人蠲賑得粟萬石鏹千兩按戶分
給菜色立起秩滿去民立碑識之

時通錦衣衛進士嘉靖間由慶陽知府謫忻州規模宏大不事曲謹執法甚嚴不憚豪橫征收賦徭止示以限期令民自輸無敢玩者革驛遞裁濫應尤爲民便王守成江夏舉人嘉靖四十四年由順德知縣陞任持已端方莅政精敏修廢舉墜教織督裁政治煥然一新囹圄無冤而人服神明積倉皆溢而眾稱仁愛有召杜龔卓之風焉遷去立德政碑

馮友咸甯人舉人二十五年任剛毅能幹政尤卹民遷保定同知

楊維嶽餘姚人萬曆二十九年以進士知漳州府謫忻

忻州志

卷二十二

名宦

二

州政尙廉平徵解不染指聽訟立判舞文者斂迹歲荒煮粥惠民撫流移八百餘家開水渠三十五道墾荒地五十餘頃清驛傳捐俸修學宮繕堡寨民甚德之修輯州志釐然改觀

傅相河南登封人嘉靖十年任忻州訓導爲文宗法八大家郡士式之

張楚珩

陳九纓州同

趙行可州同

朱根州判
以上四員因舊志缺失無從考稽事實履歷僅據學宮名宦祠木主附記於此

國朝

許嗣興留心民事耕穫時必單騎履畝勸民勤業始終不倦歲值大荒民乏食公詳請賑濟復捐俸煮粥全活數千餘人又開渠築隄以禦水患沾利者數十村士民咸謳思之歷任福建巡撫

按名宦一類累朝以來皆寥寥無幾我朝僅許公嗣興一人得與其列二百餘年官斯土者奚止百輩其中豈無二三循良可比於古之龔黃召杜在有司素絲自勉以教以養固職分所當爲在士民身被其澤而報以隆禮亦兩盡之道也國家且不惜秩祀

忻州志

卷二十二

名宦

三

勵官方豈守牧一無遺愛繫諸民之去思乎此必無之事斷斷然矣如此可見忻民質直古處不尚虛文余故誌之俾後來者不致慨絕無而僅有也